

Na osnovu Odluke Vlade HNK o davanju suglasnosti na Program utroška sredstava za Ministarstvo poljoprivrede, šumarstva i vodoprivrede s pozicije „Namjenska sredstva od naknada za lovstvo“ za 2021. godinu broj: 01-1-02-1801/21 od 12.07.2021. godine i Odluke o raspisivanju Javnog poziva za raspodjelu sredstava iz tekućeg transfera neprofitnim organizacijama Ministarstva poljoprivrede, šumarstva i vodoprivrede Hercegovačko-neretvanskog kantona broj:11-06-22-1457/21 od 06.09.2021. godine Ministarstvo poljoprivrede šumarstva i vodoprivrede Hercegovačko-neretvanskog kantona objavljuje

**JAVNI POZIV**  
**za raspodjelu sredstava iz Tekućeg transfera neprofitnim organizacijama**

**I PREDMET JAVNOG POZIVA**

Predmet Javnog poziva je prikupljanje prijava – projektnih prijedloga za dodjelu novčanih sredstava Ministarstva poljoprivrede, šumarstva i vodoprivrede Hercegovačko-neretvanskog kantona (u daljem tekstu Ministarstvo) s pozicije „Namjenska sredstva od naknada za lovstvo“ – organizacijska jedinica 37010008, ekonomski kod 614300 Budžeta Hercegovačko-neretvanskog kantona za 2021. godinu („Službene novine HNK”, broj: 9/20).

**II KRATAK OPIS PROGRAMA, CILJEVI PROGRAMA**

Javni poziv se raspisuje u cilju sufinansiranja programa unapređenja lovstva na području Hercegovačko-neretvanskog kantona. Pod pojmom unapređenja lovstva smatra se: zaštita, održavanje i poboljšanje životnih uslova za divljač u lovištu (poboljšanje ispasišta, dodatna ishrana, izgradnja i održavanje solila i pojilišta), dostizanje i održavanje odgovarajuće polne i starosne strukture pojedinih vrsta divljači u okviru utvrđenih kapaciteta lovišta, unošenje novih vrsta divljači u lovište, čuvanje i zaštita divljači i lovišta (opremljena i obučena lovočuvarska služba), izgradnja lovno-uzgojnih i lovno-tehničkih objekata, poduzimanje mjera za smanjenje štete koju pričinu divljač, stručno osposobljavanje kadrova, izrada planskih dokumenata, naučno istraživački rad u lovstvu, nabavka rasnih lovačkih pasa i izdavačka djelatnost.

**III UKUPNI IZNOS RASPOLOŽIVIH SREDSTAVA**

Sredstva za sufinansiranje programa su osigurana Budžetom HNK za 2021. godinu na poziciji „Namjenska sredstva od naknada za lovstvo” – organizacijska jedinica 37010008, ekonomski kod 614300, u iznosu od 14.011,00 KM (četnaest hiljada i jedanaest konvertibilnih maraka).

**IV PRAVO SUDJELOVANJA U JAVNOM POZIVU**

Pravo prijave na Javni poziv imaju korisnici lovišta koji sa Ministarstvom poljoprivrede, šumarstva i vodoprivrede HNK imaju potpisan ugovor o zakupu sportsko-privrednog lovišta sa područja Hercegovačko-neretvanskog kantona.

**V SADRŽAJ PRIJAVE ZA SUDJELOVANJE U JAVNOM POZIVU**

Da bi komisija za odabir korisnika sredstava uzela u razmatranje prijavu podnosilac zahtjeva mora da ispuni slijedeće uslove:

#### **a) Zahtjev za sudjelovanje u Javnom pozivu**

Pod ovim se podrazumijeva uredno popunjen obrazac- zahtjev za prijavu na Javni poziv, u kojem mora biti sažet opis programa i cilj programa, te navedeni osnovni podaci koji se traže od podnosioca zahtjeva (naziv podnosioca zahtjeva, adresa sjedišta, zakonski zastupnik, kontakt osoba, identifikacijski broj (broj poreznog obveznika), transakcijski broj/ naziv banke i iznos sredstava koji se traže za realizaciju programa.

Zahtjev za prijavu na Javni poziv mora biti ovjeren potpisom i pečatom od strane ovlaštene osobe.

Obrazac zahtjeva za prijavu na Javni poziv se preuzima sa web stranice Ministarstva [www.mpsv-hnz-k.ba](http://www.mpsv-hnz-k.ba).

#### **b) opći prilozi**

##### **Lista općih priloga**

- Ispunjene obaveze iz prethodno sklopljenih ugovora o financiranju iz budžetskih sredstava
- Ispunjene obaveze plaćanja poreza i doprinosa.
- Da se protiv podnosioca prijave, odnosno lica ovlaštenog za zastupanje i voditelja programa ne vodi krivični postupak i nije pravomoćno osuđen za prekršaj i/ili počinjenje krivičnog djela.

#### **c) posebni prilozi**

##### **Lista posebnih priloga**

- Da je korisnik lovišta koji sa Ministarstvom poljoprivrede, šumarstva i vodoprivrede HNK ima potpisan ugovor o zakupu sportsko-privrednog lovišta.
- Da je za prethodnu lovnu godinu uplatio zakupninu za korištenje lovišta u ugovorenom iznosu.
- Da je program usklađen sa ciljevima navedenim u tački II ovog poziva.

## **VI KRITERIJI ZA OCJENU PRIJAVA I ODABIR KORISNIKA**

Sredstva iz tačke III Javnog poziva rasporedit će se prema slijedećim kriterijima:

1. Visina uplate zakupa za korištenje lovišta koju je korisnik lovišta uplatio za lovnu 2020./2021. godinu,
2. Značaj aktivnosti sa aspekta unapređenja lovstva.

Vrednovanje na osnovu kriterija visine uplate zakupa za korištenje lovišta koju je korisnik lovišta uplatio za lovnu 2020/2021. godinu vrši se na slijedeći način:

Podnosilac zahtjeva koji je za korištenje lovišta za lovnu 2020/2021. godinu uplatio najveći iznos zakupnine za korištenje lovišta dobiva maksimalnih 7 bodova, a svaki naredni dobiva po jedan bod manje.

Vrednovanje po osnovu kriterija „Značaja aktivnosti sa aspekta unapređenja lovstva” vrši se na sljedeći način:

Svim zahtjevima koji se odnose na sufinansiranje nabavke opreme za lovučuvarsku službu (terenska vozila, kroseri, ili druga oprema kojom će se unaprijediti rad lovučuvarske službe) dodjeljuje se 8 bodova.

Svim zahtjevima koji se odnose na sufinansiranje izgradnje i održavanja lovno-uzgojnih objekata (pojilišta, hranilišta, prihvatilišta za divljač), na nabavku i distribuciju hrane i vode za divljač dodjeljuje se 6 bodova.

Svim zahtjevima koji se odnose na sufinansiranje izgradnje lovno-tehničkih objekata (lovačke kuće, čeke i drugi objekti) dodjeljuju se 4 boda.

Svim zahtjevima koji se odnose na sufinansiranje izdavačke djelatnosti, edukaciju članova korisnika lovišta dodjeljuju se 2 boda.

Dobiveni bodovi se unose u tabelu i vrši se izračun dodijeljenih sredstava po formulama i na način prikazan u tački 7. Programa utroška sredstava s pozicije „Namjenska sredstva od naknada za lovstvo” za 2021. godinu.

## **VII ROKOVI (TRAJANJE POZIVA), NAČIN PODNOŠENJA PRIJAVE NA JAVNI POZIV**

Rok trajanja poziva i konsultacija je 30 dana od dana posljednjeg objavljivanja Javnog poziva u dnevnom glasilu.

Rok za dostavljanje prijave je 30 dana od dana posljednjeg objavljivanja Javnog poziva u dnevnom glasilu.

Zahtjevi (prijave) se dostavljaju u zatvorenoj koverti lično ili putem pošte na adresu:

**Ministarstvo poljoprivrede, šumarstva i vodoprivrede HNK,  
Hrvatske mladeži bb, 88 000 Mostar**

sa naznakom NE OTVARATI - „Javni poziv za odabir projekata korisnika lovišta koji će se sufinancirati iz „Namjenskih sredstava od naknada za lovstvo“ planiranih Budžetom HNK za 2021. godinu.

U roku od 40 dana od dana posljednjeg objavljivanja Javnog poziva podnosioci prijave će biti obaviješteni o dodijeljenim sredstvima.

## **VIII NAČIN OBJAVE POZIVA I DOKUMENTACIJE VEZANE ZA POZIV**

Skraćeni tekst Javnog poziva objavljuje se u dva dnevna glasila, a integralni tekst istog na službenoj stranici Ministarstva [www.mpsv-hnz-k.ba](http://www.mpsv-hnz-k.ba).

Dokumentacija vezana za Javni poziv može se preuzeti sa službene stranice Ministarstva i u Upravi za šumarstvo koja je u sastavu Ministarstva poljoprivrede, šumarstva i vodoprivrede HNK, adresa Hrvatske mladeži bb, 88 000 Mostar.

## IX ZAVRŠNE ODREDBE

Postupak pregledanja prijava za dodjelu sredstava iz Javnog poziva provodi Uprava za šumarstvo u okviru ovog Ministarstva, koja će utvrditi formalnu ispravnost istih u smislu njihove blagovremenosti, potpunosti i urednosti.

Po prijedlogu Direktora Uprave za šumarstvo Ministar će imenovati Komisiju koja će na osnovu kriterija datih u Javnom pozivu provesti ocjenu i bodovanje pristiglih pravovaljanih i blagovremenih prijava. Nakon provedenog postupka Uprava za šumarstvo će dostaviti Ministru prijedlog raspodjele sredstava korisnicima u skladu sa bodovnom listom koju će sačiniti spomenuta Komisija.

U skladu sa prijedlogom raspodjele sredstava Ministar će donijeti pojedinačne odluke o raspodjeli sredstava iz Tekućeg transfera neprofitnim organizacijama, te će se zaključiti ugovori o saradnji, korištenju i načinu utroška odobrenih sredstava kojim će se detaljno urediti međusobna prava i obaveze Ministarstva i korisnika kojima su sredstva odobrena.


Komunikacija se može ostvariti pozivom na broj telefona 036-445-900 ili putem maila [ministarstvopoljhn@gmail.com](mailto:ministarstvopoljhn@gmail.com).

## X SPREČAVANJE SUKOBA INTERESA

Svaki član komisije bit će isključen iz postupka dodjele sredstava ukoliko se utvrdi da je u sukobu interesa u odnosu na podnosioc prijava.

Podnosioci prijave imaju mogućnost da Ministarstvu poljoprivrede, šumarstva i vodoprivrede HNK prijave sumnju na postojanje sukoba interesa, a navedeno Ministarstvo će odlučiti po svakoj prijavi.

Broj: 11-06-22-1457-1/21  
Mostar, 06. 09.2021. godine



Ministar  
*Donko Jović*  
Donko Jović

Dostaviti:  
1. Kabinetu ministarstva  
2. a/a